



1642_0915.jpg



1642_0916.jpg



1642_0917.jpg



1642_0918.jpg



1642_0919.jpg

Histoire de nostre Temps. 919

raffins ne pouvans souffrir la furie d'un si grand choc commencerent à lascher le pied. Alors le Roy de la Grand' Bretagne voyant qu'il failloit faire le soldat, ne se souvint plus d'estre Roy, il mit courageusement l'espée à la main, se presenta devant les soldats qui fuyoient, les fit souvenir qu'ils combattoient pour la cause de Dieu, de leur Prince & de leur patrie, r'amenâ les plus lasches au combat, & cependant envoya promptement avertir le Prince Robert du danger auquel il estoit.

*Le Roy de la
Grand' Bre-
tagne en
danger.*

Cet avertissement arrivant au temps que ce Prince donnoit de nouveaux ordres pour choquer le front du Comte d'Essex, dont il avoit deffait l'aisle gauche, il laissa cette fuzée à démesler à ceux lesquels en avoient le commandement, partit avec vne forte cavalerie, & se rendit au poste du Roy, où il trouva le Comte de Lindsey blessé à mort, & l'estendart Royal entre les mains des ennemis. Ces accidens luy donnerent vn puissant regret, neantmoins il trouva bien-tost du remede à vne partie de cette douleur, le sieur Smith voyant cet estendart entre les mains de sept soldats, qui sembloient l'emporter en triomphe, se fit accompagner de deux Cavaliers dont il estoit proche, chargea les soldats, en tua trois du premier abord, & donna tant de frayeur aux autres, qu'ils luy quit-

*Est secouru
par le Prin-
ce Robert
Palatin.*

M m iij

1642_0920.jpg



1642_0921.jpg


Histoire de nostre Temps. 921

ORDONNANCE DV
Parlement d'Angleterre du
troisième Novembre.

IL est arresté par les Milords & Communes (qui sont les Chambres haute & basse) assemblées en Parlement, que l'Ordonnance suivante soit imprimée, publiée, & leuë en toutes les Eglises Parochiales & Chapelles du Royaume d'Angleterre, & Principauté de Galles, par tous les Curez, Vicaires, ou autres Ministres desdits lieux.
Signé, Jean Browne Clerc du Parlement,

LA maison du Corps de garde sera promptement fermée & environnée de piliers, pieux & chaisnes. On en mettra aussi aux petites ruës des Paroisses de Sainte Marguerite de Westminster, de Saint Martin des Champs, Saint Clement des Danois, Sainte Marie de Sauoye, de Saint André-Holborne, de S. Gilles des Champs, du Iardin du Convent, de la ruë Saint Jean, de Saint Jacques Clerkenwel, de Saint Gilles Kripplegate, de Schordth, de la Chapelle Blanche, d'Islington, de Milerend, de Southwak, de Lambeth, & en tous les

1642_0922.jpg



922 M. DC. XLII.
autres endroits & avenues de cette ville de
Londres, qui se trouveront nécessaires pour
la seureté desdites Paroisses: dont les fraix
seront faits par les paroissiens de chacune
d'icelles, au dire de gens à ce connoissans,
qui seront nommez par le Lieutenant aux deux
ce Comté: Lesquels enverront aux deux
Chambres les noms de ceux qui refuseront
de payer leurs taxes, pour y estre donné tel
ordre qu'il appartiendra: & mettront aussi
bon ordre qu'il y ait vn nombre suffisant de
gens, tant de milice de cette ville que Vo-
lontaires, pour la garde de nuit & de jour
de chacune desdites Paroisses: Ausquels ils
donneront pouvoir de se saisir de toutes
les personnes, armes & munitions soup-
çonnées qui passeront par les lieux susdits,
& les arrester iusques à ce qu'il en ait esté
autrement ordonné selon le bon plaisir des-
dites Chambres: Dequoy faire sont requis
les Capitaines & Officiers de ladite milice,
les Volontaires, & toutes autres personnes
qui seront nommées à cette fin par ledit
Lieutenant, ou autres par luy deputez. Si-
gné comme dessus.

Voila quelles furent l'Ordonnance & la
derniere Declaration du Parlement d'An-
glerre contre le Roy de la Grand' Breta-
gne: Voicy les moyens dont Sa Majesté se
servit pour desabuser les peuples, & les obli-
ger de se jetter dans ses interests.

1642_0923.jpg

Histoire de nostre Temps. 923

PROCLAMATION
envoyée par Sa Majesté Britanni-
que, & affichée aux portes des
Temples de la ville de Londres le 6.
Novembre.

COMME ainsi soit qu'entre autres artifi-
ces pratiquez par les auteurs de cette
rebelliō horrible & desesperée à l'encontre
de Nous, on ait tasché avec grande industrie
& subtilité de corrompre nos sujets de nos
villes de Londres & Westminster, en les obli-
geant premieremēt à des factiōs & tumultes
pour tenir en bride les membres des deux
Chambres de nostre Parlement, qui refu-
soient de consentir à leurs seditieux projets;
puis en les persuadant à des prests & con-
tributions pour le maintien & subsistance
de l'armée des rebelles, sous pretexte qu'el-
le estoit levée pour la deffense de nostre per-
sonne, de la Religion Protestante, des Loix
du Royaume, & des privileges du Parle-
ment: bien qu'en effet elle n'eust esté levée
que pour vn dessein entierement contraire;
D'ailleurs en mettans à execution leur pre-
tenduë Ordonnance touchant la milice; &
en fin leur persuadant que l'estat de leurs

1642_0924.jpg




Image issue du site mercurefrancois.ehess.fr - Cliché (c) Cécile Soudan